



## Орган Лемковского Союза.

Выходит в каждый четверг.

Редакция и администрация в Крыници. — Адрес „Лемко“ Крыница.

Пренумерата в краю:

50 грошей місячно,  
2.50 зл. полрочно,  
5 зл. рочно.

В Америці: 1 дол. полрочно,  
2 дол. рочно.

В Чехословакии:  
3 кор. місячно, 15 кор. полрочно,  
30 кор. рочно.

Контото чекове Нр. 404.155.

## Дальша борба в Германии.

Як подають газеты, перебіг событий, якы мають місце в Германии, ест слідуючий:

Плян замаху приготували кпт. Рем, ген. Шлейхер, фон Папен и Юнг. Они наміряли дня 3.VII. обалити правительство Гитлера при помочи килькох полков Рейхсверы и килькох боевых отділов, котры згодили ся зрадити Гитлера.

Нове правительство поставило собі за задачу привернути монархию. Дня 25.VII. правительство Гитлера дознало ся о плянованом заговорі. В его руки достали ся назвиска вшиткых членов будучого правительства и членов заговора. Дня 26.VI. арештовано Юнга, а слідуючого дня правительство мало уж подробны висти о заговорі. Скликано на раду в дворці Гитлера, добрано цілком певных людей и Гитлер сам поїхал до Мюнхен в ціли выкрытя заговора. Геринг обнял коменду над полициом. В ноци с 30.VI. на 1.VII. адусила заговор кырвава рука Гитлера.

### ТЕРОР В ГЕРМАНИИ НЕ СЛАБНЕ.

Дня 4.VII. світ довідал ся о новых розстрілах без суда. Розстріляно, приятеля Папена, совітника Бозе. Згинул также Фос и адютант Гитлера Штрасер. Крім того розстріляно ище 10 лиц, котрых назвиск не подають. Кара смерти грозит также арештованым проводырам боевых отділов, котрых число подають на около 200.

Заграничны газеты, особенно английскы выступают остро против тому, што діе ся в Германии и твердят, што методы, якых триматся Гитлер, жебы знищити вшиткых, недовольных его рядами, не лем не ослабляют сил боевых отділов, але наоборот неувольство у штурмовцев по тым вшиткым мусит окріпати ся. Німцы, пишут газеты вернули до способу середновіча и находят ся в стані дикого безправя. Они сами порвали звязь с цивилизованным світом.

### РОЗМОВА ГИНДЕНБУРГА С ГИТЛЕРОМ.

Английскы газеты доносят, же старый маршал Гинденбург заклика Гитлера до себе до Нейдек, привитал его зимно и потребовал выяснения в справі остатних событий.

Медже иншим, Гинденбург мал повісти Гитлерови, же в Германии мусят мати конец чзсы нерозумны. На тоты слова Гитлер спытал ся: Ци в ваших словах ест угроза? на што отповіл Гинденбург: я вам не грожу, але не забывайте о том, же я вам дал власть. Я сам состою найстаршим жолніром и на найвысшом становиску. Я не бою ся уж никого, крім одного Бога и тото дае мені силу. Если отже не покончите поступати нерозумно, заповідам вам, же вас отправлю, бо мам на тото дост силы так физычной, як и моральной.

### ГЕРИНГ ХОТІЛ РОЗСТРІЛЯТИ ВШИТКЫХ АРЕШТОВАНЫХ ПРОВОДЫРОВ БОЕВЫХ ОТДІЛОВ.

Геринг выдал приказ, штобы розстріляти вшиткых арештованых до того часу проводыров боевых отділов. При той случайности мали стратити житя также вшиткы опозиционисты котрых в минувшом тыжні осаджено в концентрационных обозах. Газеты парыскы пишут, же Геринг намірял через невстрічаний до сих пор кырватый терор отстрашити противников теперешного правительства от ставяня хоцбы найменшого опоры.

Не выконано того приказу лем для того, же начальство Рейхсверы, котре довідалося о том, донесло о кырвавых наміренях Геринга Гитлерови и заявило, же не бере на себе ответственности за дальший біг событий. В тотчас Гитлер приневолил Геринга до невыконяня того приказу.

Ходят непотверждены погоскы, же президента полиции в Гливицах Рамсгорна, котрый в день заговора утек, вчера арештовано и розстріляно.

Показуе ся, што Рамсгорн, мал молодого адютанта Моргенштерна, молодца о подозрительной кондуиті, котрый утек и власти німецкы глядають его.

### ЛИКВИДАЦИЯ БОЕВЫХ ОТДІЛОВ ГИТЛЕРОВСКИХ.

Боевы отділы гитлеровскы розвязуют. Не можна носити им мундуров в часі урльопу. Начальники тых отділов мають постоянно зголошувати місце пребывания. Группы можут брати участь в манифестациях лем за позволением начальства.

Лем начальник боевых отрядов в Гданску выдал распоряджене, же на терені Гданска штурмовцы можут выступати в мундурах.

Дуже штурмовцев утекло до Швайцарии. Вшиткы пришли они тайно на терен австрийскый через границу передарулянску и тырольску и просили австрийскы власти о перепущене их до Швайцарии. Австрийскы власти перепустили их. Таких біженцев ест в Швайцарии перешло 1000.

### ИТАЛИЯ ЗАНЕПОКОЕНА СОБЫТИЯМИ В ГЕРМАНИИ.

Амбасадор французскый в Римі приїхал до Парыжа. Подорож его звязана со событиями в Германии. Газеты подають, же круги италийскы наміряють змінити отношеня до Німеч. От Франции зависит, ци потрафит выкористати момент и зблизити ся до Италии, штобы запевнити тревалость европейскому спокойю. Выпадкы в Німечині занепокоили не лем Рим, але и другы державы. Найвеце шкоды приносят они самым Німцам, бо оказало ся, же Німцы гитлеровскы не сут таком одностайном брылом, за яку их уважано.

### Тайный трибунал революционный боевых отділов грозит Гитлерови помстом.

Помимо напряженого внимания со стороны войска и тайной полиции в численных осередках Баварии и Берлина организуются горячково комитеты революциный, котры берут собі за ціль подняти террорыстичну борбу противрядову.

Тот рух має росширити ся на вшиткы осередкы промысловы и роботничы.

Система организации отбыватся через установяне „пяток“ по образцу давных німецкых боевых отділов коммунистичных.

Комитет революциный партии народосоциалистичной выдал отзову, в котрой пише:

Проводыры наши вымордованы! Но не меньше работа, штобы допрывадити до другой революции мусит быти ведена.

Гитлер стал ся орудіом в руках реакции и великого промысла, котрый гнете роботничков.

В правительственных кругах боятся замаху с помсты за смерть вшиткых головных проводыров боевых отділов.

Особенно боят ся о житя Гитлера, Геринга и Гебельса, котрых уважают за таких, котры поубивали своих приятелей. Подобно Гитлер ест совсім морально зламаний, послідніма событиями. Тому не можна дивовати ся, если зважит ся тото, же роля Гитлера в Німеччині вяне с каждым днём. На перше місце высуват ся Геринг. Як бы не Геринг, не знати, ци Гитлер был бы ище днеска канцлером. Геринг выкрыл заговор и Геринг подыктовал Гитлерови, як має поступити с участниками заговора. Коли Гитлер поїхал до Мюнхен, втотчас Геринг „перечистил“ Берлин и казал замордовати зненавизеного через себе генер. Шлейхера.

Положене Геринга ест сильнійше, як Гитлера. Гитлер знищил боевы отряды — мусит дбати о ласку Геринга, котрый в своих руках сильно тримат полицию и знае, што діе ся в Германии. Герингови може противоставити ся лем оден министр войны ген. Бломберг, котрый операт ся на генералиции и Рейхсвери, котра не має ище здецидованых плянов политичных. Люды, знаючи добре кулисы политичного житя в Германии твердят, же Геринг здыстансуе совсім Гитлера, або буде ся ним выслуговати.

Бесідуют также, же Геринг хоче конечно выпхати Гитлера на кресло президента, штобы самому остати канцлером.

Третим сильным в Германии ест ище все фон Папен. Помимо того, што бюро Рейтера доносило, же Папен выїздат за границу и уступат со своего місця — показал ся урядовый комуникат, котрый подае, што Папен остае дальше вице-канцлером. Ест то доказ, же за ним стоить муром Гинденбург и Рейхсвера. С того видно, же найблишим правительством в Германии буде Геринг, Папен, Бломберг и Гитлер, а тот остатний буде в нем грал найменьшу ролю.

## Вильгельм вертат до Німец.

Газеты подають, же Вильгельм II. ище в веренсі т. р. верне до Німец и обыйме власть. Рейхсвера не относит ся желательнo до Гитлера, цілый офицерский корпус, а также сам ген. Бломберг заховал вірноподданчи чувства для б. цісара.

В Дорн омавяны были sprawy звязаны с диктатуром войсковом, котру впровадили бы по обаленю правительства. Введено диктатуры предвиджуют на вересень 1934 р.

## Геринг рoстрiлял Эрнста и Гейнеса,

бо они знали тайну подпаленя „Рейхстагу“.

Газеты парыскы подають, же правдивом причиною события в Німеччині было неудовольство в кругах „штурмовцов“ по поводу наміряного розвязаня отділов штурмовых. Гитлер боял ся, же Рем и другы перейдут до оппозиции и будут могли зашкодити ему оголошеньом дакотрых немилых для Гитлера писем и поступков. В звязи с тым газеты подають, што Эрнста и Гейнеса рoстрiляно

тому, бо они подпалили на приказ Гитлера „Рейхстаг“. Таким способом Гитлер и Геринг мали выкорискати оказию, штобы позбыти ся вшиткых, котры знали тайну подпаленя.

Приятели замордованого б. канцлера ген. Шлейхера и Рема старають ся найти доказательства, же они оба были невинны. Шлейхер не порозумівал ся ани с французским правительством, ани с его представителем в Берлині. Его рoстрiляно на приказ Геринга, бо Геринг уважл его за грозного рывала, а также и тому, бо он знал докладно историю подпаленя „Рейхстагу“.

Газеты с Риму доносят, же Гитлер боял ся, же Рем має в Мюнхен велику силу, котрой Гитлер може не перемочи. На тот случай Гитлер мал приготoвлены два аеропляны, на котрых намірял утечи до Италии.

Газеты подають, же Гитлер, уж втотчас, коли в Венеции виділ ся с Мусолини, повіл до него, же отношеня в Германии сут того рода, же можна сподівати ся вшиткого и же он сам буде приневоленый спасати ся выїздом за границу, найохотнійше до Италии. Гитлер мал приготoвлену под Римом виллу, в котрой мал в разі потреби замешкати.

## Перший транспорт до изоляцийного обозу.

Дня 6.VII. выслано с Варшавы перший транспорт до обозу изоляцийного (отособненя) Транепорт тот складал ся с 11 лиц. Десятох с них, то знаны діятели обозу народо-радыкального. Они сут подписаны на декларации, стверджающей покликане до житя той политичной организации. Сут то переважно молоды люды, в віку до 35 літ, медже нима адвокаты и студенты. Вшиткых осаджено в обозі изоляцийном на разі на три місяцы. Остатний ест діятелем комунистичным, знаным с выступлень противдержавных.


Того самого дня вывезено до Березы Картуской с Кракова 7 лиц. Трьох с них, то знаны нам лемкам агитаторы украинскы с повіта горлицкого, а именно: Д-р Мих. Гыжа, лікар с Высовы, Стефан Шевчук со Смерековца и Ярослав Желеп с Ропиці Руской. Два инши, то члены польского обоза народо-радыкального, а два остатни, члены секции молодых партии народной польской.

Комендантом обоза изоляцийного назначено инспектора полиции в Познаню Болеслава Грефнера.



Поміщайте оголошеня в газеті „Лемко“.

Кто хце прислужитися нашой газеті нехай зберат оголошеня зміст и сел повітов Леско, Сянок, Кресно, Ясло, Горлиці и Новый Санч.



## Правительство стремит до отдолженя села.

Каждого року в літних місяцах т. е. от червня по конец вересня припадають ферии (вакации) политичны и министры рoзiзджають ся на отпочинок; в том часі звычайно ніт никаких важных змін в политыці и полагаджуе ся лем sprawy текучи, менше важны и личны,

В текучом року справа має ся совсім иначе. До того часу не выїхал на отпочинок ани оден министр, хоц уж минула близко половина липня и нич не показуе на тото, штобы министры рoзiхали ся перед концом липня на урльопы. — Скомплетоване (пополнене) правительство через покликане до него министра Зындрам-Косцялковского и министра Понятовского приступило до реализации зачеркнутой уж перед місяцем програмы кампании господарчо-рольной. Реализация той програмы, перервана на якийси час трагичном смертю мин. Перацкого, стае ся тепер головном задачом правительства.

Правительство, штобы помочи передовсім малым рольникам, старат ся 1) о поднесенє цін зерна и вшиткых продуктов рольных, 2) о отдолженє села. В остатних часах дае ся зауважити, же правительство начинат опековати ся передовсім малыма рольниками. Таким способом правительство стремит до поправки житьовых условий дробным господарствам, адже найчисленнійшой масі жителей Польщи. Правительство приготoвят подрoбну акцию охорены цін землеплодов. Оно старат ся тепер о поправу не лем цін зерна, але также вшиткых рольных артыкулов (худобы и инших) Але сама поправка цін ище не ратуе газду, ани не поправят его положеня; тому то правительство стремит также до пониженя цін товаров промысловых, а передовсім желіза, с котрого вырабят ся рольничы снаряды, а также нафты, соли и дакотрых вырoбов державного монополю.

Можна судити с голосов, походячих с міродательных кругов, же новый министр рольництва Понятовский приступит в найблишом часі до отдолженя рольництва, особенно середного и малого. Правительство пришло до пересвідченя, же не належит ратовати великих маетков рольных, котры задолжили ся часто через легкомысленне житя их властителей, а наоборот треба ратовати хлопа, котрый попал в біду без власной провины, через загальне тяжке положенє економичне.

Тота акция правительства над поправом положеня господарчого села и хлопа продолжит ся вірoятно до осени, то ест до часу поконченя жнив.



### КРЫНИЦЯ-ЗДРОЙ:

Пенсионаты вилла „Карпатска“ и Злата Брама“ положены в центрум, коло дептака. Текуча зимна и тепла вода. Веранды. Добра кухня, на требованє диететична. Ціны низкы.

## Для Лемковской Епархии Владыком Лемко.

Весела вість рознесла ся в остатних днях по цілої Лемковщині, што ватыканскы круги остаточнo порішили діло обсаджєня владычого престола лемковской епархии. Владыком именованый — як мы сообцили в попередном н-рі нашой газеты о Д-р Василий Масцюх, на місце зрезигновавшого о Д-ра Николая Нагорянского. Факт тот має для Лемковщины велике значєнє. С прибытьом на Лемковщину О. Д-ра Масцюха в характері Апост. Администратора зачне ся нова ера в истории Лемковщины. Новоименованый Владыка ест Лемком, рускых переконань, цілом душом отданый Лемковщині. За свою рускость много пострадал (так от духовных як и світских властей за небожкы Австрии. Разом з другыма Лемками пережил Талергоф — тоту руску голгофту, а вернувши с Талергофа терпіл дальше переслідования. Епископ Коцыловский обсадил его посаду професора св. Богословя священником-украинцом и тым способом змусил его оставити Перемышль, а ити на сельского пароха. Також не принял его епископ Коцыловский в пропозицию, коли старал ся свого часу о парохию Крыницю, яко недостойного на тоту парохию. Коли міродайны чинники хотіли О. Д-ра Масцюха, яко самого лучшего знатока церковного права, покликати в Рим яко члена Кодификаційной Комисии восточного права канонического, епископ Коцыловский не допустил до того, а предложил на тоту становиско кандидата украинца. Ученость О. Д-ра Масцюха оцінили аж и чуджи, предкладаючи ему по войні катедру права церковного на университеті в Білграді котрой однак не принял лемдлятого штобы трудити ся межде своима и для своих.

О-ца Д-ра Масцюха на новом пості должна приняти ціла Лемковщина отовртым рускым серцьом, щиро, яко руского Владыку. Его должны привитати Лемкы торжественно, триумфально так, як колиси витали рускых епископов Лемков Полянского, Пелеша и других. Тот день должен быти великым торжеством и стягнути на привитанє Владыкы людей з найдальших закутим лемковской землі, штобы показати врагам, як Русь витає свого руского Владыку.

## Жена убитого „штурмовца“ ЕРНСТА пополнила самоубийство.

Віденскы газеты подають трагичны подробности смерти жены Эрнста розстріляного на приказ Гитлера без суда.

Агата Эрнст недавно вышла за муж за Эрнста. На ей вінчаню были вшиткы высши проводыры гитльеровскы, адже Геринг, Гебельс и други. Она сама ест дочком богатого промышловца в Берлині. Жену отвезли до шпиталя положничого в Берлині, бо сподівала ся пєтємка. О розстріляню мужа нич не знала. Доперава недавно довідала ся она о смерти мужа и тотя вість так сильно на ню подійствовала, же зажила велику дозу вероналя и ет того умерла.

## АФЕРА ШПЬЕГОВСКА В АЛЬЗАЦИИ.

Преса французска донсцит с Мецу о выкрытo через полицию аферы шпеговской Полиция арештовала Бальтеса, жителя Мецу, котрый выдавал важны документы, касаючи ся обороны державы своим двом спольникам, котры сут на услугах промышловца німецкого Германа Рехлинга. Вісти тоты передавал Рехлинг до Германии. Рехлинг был в часі войны оскарженный и засужденый через Французску раду военну за стале нищенє в часі войны фабрык в полночной Франции.

## Убийство, котре выкликало світову войну.

Губернатор Босні сам ручил за полну безопасность австрийского наследника престола. Дымчый льонт серед цвітов. Фатальна помылка шофера. Три смертельны стрілы в Сераєві.

Дня 28.VI. минуло 20 літ от часу, коли Принцип трехкратным выстрілом убил архикнязя Фердынанда и его жену, што в последстві выкликало світову войну. Причином убийства была велика любов своего народа, котрому жило ся тяжко по прилучєню Босні и Герцеговины до Австрии. В Австрии знали о том, же Босня не належит до безпечных краєв, але помимо того никто не предвиділ катастрофы. Маршал Потьорек, губернатор Босні в своих рапортах ручил за их безопасность. На дворі австрийском вірили сліпo тым рапортам, помимо того, же оден из двора цисара прислал со Сераєва 6 депеш, в котрых доносил, же ізда до Босні не ест безпечна. Бояли ся также замаху в Будапешті. Присламо до Сераєва 40 агентов, котры мали стеречи архикнязя и его жены.

Дня 28. червня припало на неділю. Архикнязь іхал повозом и принимал дефиляду. Нагло на его коліна упала вязанка цвітов, котра дымила ся. Скорым рухом вышмарил Фердынад цвіты и в той секунді страшливый гук роздер воздух. То бомба експлюдовала и ранила килька лиц. Але торжество тырвало дальше. Коли архикнязь довідал ся, же бомба ранила также гр. Мерици и же он ест в шпиталю — рішил навістити его. Потьорек дальше ручил, же ніт ниякой опасности, бо уж вшиткых замаховцов арештовано, Архикнязь не барз вірил в тоту и дал приказ іхати побочныма улицями. Шофер однак не знал о том, и іхал перед ратуш, як му перше приказано. Коли Потьорек спостерег, же шофер візджат в улицю Франц-Іосифа, дал приказ наворачнути. Машина затримала ся, а втотчас скочил на стєпень автомобиля Принцип и трьома выстрілами убил архикнязя и его жену. То стало ся причином світовой войны. Принципа арештовано и засуждено на безтерминову вязницю. Он умер в часі світовой войны в крєпости в Терезині.

ЧЕКИ ВЫСТАВЛЕНЫ НА АДРЕС  
НОВЫЙ САНЧ СУТ ДОБРЫ.  
ИНШИХ НІТ.

## Як згнул цар Николай II.

Недавно появил ся книжка, паписана через П. Быкова б. члена совіта екатеринбургского п. т. „остатни дні царату“.

В книжці той Быков, котрый сам отограл не последню ролю в убийстві родины цара, описує, як жила родина цара в последних днях и условия, в яких розстріляно цілу родину. Быков твердит, же родина цара легко могла утечи с Росии и же не раз была ку тому случайность ище перед місяцом маєм 1918 р. т. зн. перед вывозом их до Екатеринбургa, але группы монархистычны не уміли перепровадити пляну бігства.

Дальше Быков оповідат, же царска родина числила на спасєнє до последного часу, але с Екатеринбургa бігство было труднійше, бо там стережено их сильно. Конец родины прыспішили чєскы легионы, котры наближали ся до Екатеринбургa. На засіданю дня 16.VII. 1918 р. пришли до переконаня, же місто мусит поддати ся до трьох дней и втотчас то рішено без суда розстріляти цілу родину. Поручено тоту зроби ти комендантам сторожи и заслугуючим на довірє работникам — комуністам.

Дня 16.VII. рішено их розстріляти. Спроваджено их вшиткых до комнат на долині и отчитано рішенє уральского совіта, тотом цар Николай Романов, его жена, сын, чотыри дочери и четверо службы были розстріляны. Тіла замордованых перевезено тягаровым автом до старой копальні и там спалено, а останкы недопалены закопано в болоті. Если вірити Быкову, то прєх родины царской почиват в якомси багні коло Екатеринбургa.

Дня 24.VII. легионисты чєскы заняли Екатеринбург.

## ВСЕЛЕМКОВСКИЙ ТАЛЬЕРГОФСКИЙ СІЗД В ГОРЛИЦКОМ ПОВІТІ.

Редакция „Лемка“ достає дуже писем, с требованьом, штобы урядити Тальергофский празник для Лемковщины.

Писма тоты доказують, што в сердца наших людей ворала ся глубоко память о погыбших в часі світовой войны лучших сынах нашего народа. Сут они также доказательством, же лемкы остаят ся вірны своим рускым идеам и своего руского имени не дадут собі выдерти.

Идучи по думці тых вшиткых, котрым дорога чєсть руска и память для мучеников и жертв світовой войны, завыває наших людей с повіта горлицкого, штобы они вызначили и то як найскорше місце и час, в котром отбуде ся такой сїзд и заняли ся приготвлєньом того сїзда. Сїзд тот мусит отбыти ся в повіті горлицком, яко лежачим в середні Лемковщины. С місцовостей горлицкого повіта надають ся добре для устройства такого сїзда села Маластов, Устє Руске або Высова, а отвітным термином може быти день 29.7. яко тот, в котром уж начали ся переслідования наших людей. Свои увагы просимє присылати до редакции „Лемка“, котра буде их оголошати.

## НА ПРОДАЖ:

В Высові повіт Горлицы продаєся  
8 моргов скомасованой землі  
в одном кавальци.

Близших информации уділят на місци  
в Высові управ, школы Г-н Полошынович  
и в Горлицах Д-р Ярослав Сьоцало.  
Часть землі надаєся на будовляны парцелі.

## До молодих лемків.

Знає о том, же тому жиє ся все ліпше, кто єст мудрый и просвічений. Лем такий человек може дати собі в світі раду в тяжых часах. Знают о том и стары и молоды, але не старают ся о просвіту, хоц маюч нераз час и місце, где можна росширити свой світогляд. Але паробок, ци дівча о том не думают, штобы жило ся им легче, а натоміст старают ся о річи меньше важны, як о модну одєджу, лякерку, шолкову сподничку, пончохи, перетені и т. п., котры то річи выпорожняю их кышено и так слабо заповнену, а напыхаюч Ицкову. Мы забыли цілком ольни и уцях, котры давали нам сильну и туню одєджу.

Уважаєме, же ліпше єст подслухати нову співанку и фальшиво ю повтаряти, як співати стародавны, рускы, лемковскы пісні, котры сут на правду ладны. Вмісто сходити ся по корчмах — ходме до читальні им. М. Качковського, бо там найде ся все газета, с котрой довідаєме ся, што дієся в світі, або яка цекава и пожиточна книжка. Там можеме научити ся, як належит управяти поля, штобы увеличити доходы с ґрунту, там также часом найєме розрывку в епіві, забаві и танцах. Оттамаль вернеме все мудрійши, веселы и полны житя и духовой силы. Вшиткы, особливо молоды лемкы повинны читальню им. М. Качковського уважати за свою другу маму, котра нас пригорне, даст нам просвіту и росширит погляд на жизнь и єй ціль, буде нашии дороґопоказательом и попровадит нас дороґом правды.

Тота рада єст на часі особливо тепер, коли закончил ся школьный рок и много молодежи вышло зо школы. Тоты повинны памятати, же як єя чоґе не повтарят, то тотє забываются прудке. Длѣтого вы, котры опустили школу, вписуйте ся вшиткы до читален им. М. Качковського, бо там найдете все книжку, котра утвердит и росширит здобыты в школі відомости, найдете там также розрывку и забаву и будете чути ся там так, як дома при мяню и мамі.

Коли зробиме так вшиткы молоды лемкы, то не буде медже нами незгоды, зменьшит ся процент людей несвідомых, котры те належат нибы до украинцов, „бо єґомосць так казали“, зменьшит ся число тых, котры, штобы быти „косцільником“ або попасти корову на єґомосцьовом полі, повідають, же сут украинцы, хоц не знають, што то таке Украина. Штораз меньше буде таких, котры сами не знають перечитати книжку, а берут ся до политькы и хотят творити Украину от моря до моря на приказ єґомосця и для пасовиска, або пол кварты квасной маслянкы.

Тому дружно, вшиткы молоды, вшиткы школяры и школяркы, котры попращали того року школьну лавку — вписуйте ся численно до місцевых читален им. М. Качковського, а она даст нам світло и покаже дороґу правды и добробыта.

Яворчан.

Глядам хлопца до друкарні

„Пржишлєць“

Крыница Здрой :-: виля „Рингуфа“

**ВІРХОМЛЯ МАЛА.** Вірхомля Мала, село невеличке, 53 номеров жило до того часу спокійно и в любви. Аж пришол до нац учитель со Складистого, лемко, котрому мы повірили. Бывал у нас на забавах, весілях, бавил ся со старшима и молодыма и сут аж и сліды той забавы. Потом хтіл оженити ся, тай выбрал ся через ліс Рунок и зашол до Лосього. Там трафил до Кобанього. Дівчина сподобала ся єму, бо єст чиста украинка, оженился и привел ю до села. От того часу начала ся украинска агитация в нашом селі. Рєспочало ся вышиваныма сорочкыма и фартушкама и роздаваньом газеты „Наш Лемко“, котру достарчат му войт. Разом с тыма вышиванкыма и украинском шматком почали ся в селі люде вадити и дошло до того, же отец нераз вадит ся с власныма дітми. Яко старший газда в селі, — памятам давны часы, колы у нас была зґода и єдность и виджу, же иде до злого. Прото остереґам учителя, штобы перестал вводити агитацию украинску до нашего села. Мы родилися руснакыма, руснакыма тыж останеме. Войтови также раджу не роздавати газеты „Наш Лемко“ бо тота газата украинска, не наша, мы маме свою руску газету „Лемко“.

Лемко с Вірхомлі Малой.

## ШТРЕИК В ЛОДЗИ ЗАОСТРЮЄСЯ.

Перед килкма днями начали сезоново (на якийси час) роботники штрейковати, жадаючи повышеня платы.

Штрейк тит приберат штораз острійши формы. Потому отбыли ся нарады, в котрых взяли участь инспектор труда, представителі штрейкуючих городске управлене и Фонд Труда. Представителі городского управленя годили ся подписати с роботниками коллективну умову на дотеперешних условиях и заповіли, што те можут подвысшити платы, бо на тото ніт средств. Городске управлене зґоло ся перевозити бесплатно роботников трамваями на роботу и с роботы, а также увеличити число роботников в случаю признаня місту новых кредитов будовляных.

Роботники не зґодилися на тоты условия и потребовали пєвишеня платы. В виду того нарады не дєвели до компромиса (зґоды).

Дня 4.VII. роботники в числі около 500 людей пробовали урядити демонстрацию, але полиция не допустила до того. Килькох проводыров демонстрации арештовано.

## ЯК ПРИМАГ ИВАЮТ ГОСТЕЙ ДО КУПЕЛЕВЫХ ЗАВЕДЕНЬ.

Английске купелєва заведење Блокполь в цілях самєлеклямы, обявил о небывалый конкурс: Заведене обіцяло выплатити суму 6000 зл. той парі молодят, котра зараз по вінчаню зґодит ся чєзєз цілий місяц не принимати ниякого ідла кромі минеральной воды и жити в єсєбы шкляных скринях, уряджєных для каждого с них отдільно, и находячих ся под контролєом купелєвых гостей. Молода пара, котра хотіла заробити 6000 зл., внет нашла ся. Молодыта были водворєны до шкляных скринь, в котрых мали постелі и всяку выґду и начали живити ся лем минеральном вґдом. Цекава публика іде днями и ночами до того купелєвого заведеня и толпится ґри скринях с молодытама.

## Процєс украинских терорыстов.

Перед килькома днями начал ся во Львові процес против терорыстов украинских, котры зробили замах на шкоґного куратора Гадомского. Предсідательом судового трыбунала назначєный ґ. Дворжак, обвинят прскуратор Д-р Прехтель-Моравинский, боронят адвокаты Марышак, Сухович и Грынковский. Процєс иде о тото:

Дня 27. верєснѣ 1933 р. двоє молодых людєй слідили за куратором Гадомским, котрый вышол с кавярні „Жорж“ и ишол до дому на ул. Кармелитєску. Коли куратор вошол до дому, приступил ку молодым людем агент тайной полиции, Теледаєв и зажадал от них документов. Оден отразу начал утекати, а другый вынял свою легитимацию. В часі, коли агент переглядал легитимацию, затриманый выстрілил в агента и ранил єго в руку, а сам убіжал, оставляючи документ в руках агента.

## РЕЗУЛЬТАТЫ РЕВИЗИИ.

В помешканю властитєля той легитимации Северина Мады, 23 літного маляра, заряджено ревизию и найдєно три револьверы и два ручны гранаты.

Северин Мадєра жил разєм с Иванчуком Юлианом и коли єго арештовано, то он повіл, же револьверы и бомбы достал от Иванчука котрый приказал убити єму на улиці незнаного человека. Мада был переданый польовому Судови и засуджєный на кару пожизненного арєшту.

Тепер Мада принимат участь в процесі о зраду, о котру єст оскаржєный, яко член недозволеной, противдержавной организации О. У. Н. (Организация украинско-народова).

Другым оскаржєным о зраду єст Юлиан Иванчук — 22 літний студєнт, котрый єст оскаржєный о намавянє до убийства и о перєхованє выбуховых материялов, екразыта и нитроґлицєрина. О тото само єст оскаржєный Василий Медвич. Четвертый Александр Луцкий єст оскаржєный лем о належанє до О. У. Н. а пятый Василий Феданский, кромі того также и роспространєнє в Мосцисках нелегалных брошур и книжок той организации.

В процесі том Мада, яко такий, котрый не має уж нич до страченя, бо и так єст уж засуджєный на кару безтерминовой тюрмы — признає ся до вшиткото и принимат цілу вину на себе. Процєс выкликал велике заинтерєсованє цілого Львова так чєзєз особу, котру хотіли убити терорысты, як и длѣтого, же дає он возможность заглянути в технику У. Н. О.—вских терорыстєчных „пятерок“.

ЕКЗАМЕНОВАНА

**АКУШЕРКА**

с пятилітном практиком

**РУСКОЙ НАРОДНОСТИ**

осядє в єдном лемковском селі.

За инѣормациями писати до редакци

„Лемко“ Крыница.